

Poraz Džumhura na startu Japan Opena

Damir Džumhur nije se uspio plasirati u 2. kolo teniskog ATP Japan Open turnira u Tokyiju iz serije 500.

Na startu 1,92 miliona dolara vrijednog turnira bh. najboljeg tenisera je sa 4:6, 6:3, 6:3 pobijedio Francuz Jeremy Chardy.

To je bio drugi međusobni meč Džumhura, 40. igrača na ATP listi i dvije pozicije slabije rangiranog Francuza, koji je slavio i u prvom meču, odigranom prije dvije godine u Rimu.

Chardy će u 2. kolu igrati protiv boljeg iz meča Marin Čilić (Hrvatska) – Jan-Lennard Struff (Njemačka). (ag)

Date: 02-10-2018